

V c
4382



L.



L. 34, 36.

V c
4382

Kurzer jedoch gründlicher
Bericht/

Von des Schwedi-
schen General Feldtmarschalls Jo-
hann Banners Ein- und Ausgang
ins Land zu Düringen und
Meissen.

Gedruckt im Jahr 1637.

BIBLIOTHECA
PONICKAVIANA



10

147

147

Wunderliche Geschichten
Vom

Wunderlichen Leben
des Königs

von Frankreich
in der Stadt

Paris
im Jahr 1685
Verlegt bey
Johann Neumeister

in der Stadt

dar
B
S
ha
fu
de
da
100
suc
fo
rüb
vn
lich
ha
er
zu
vn
vn
sich
L
W
lich

10





Welcher Gestalt nach der Schlacht vor
Wittstock die Keyserliche Haxfeldische vnd
Churfürstliche Sächsische Armeen / sich von dar
zu rück vber die Elbe begeben haben / vnd was
darauff der Schwedische General Feldmarschalch Johann
Banner vorgenommen / vnd in diesem Churfürstenthumb
Sachsen vnd zu förderst in Meissen vnd Düringen tentiret
hat / solches alles wird sonder zweiffel vielen Landen bis her
kund worden seyn / dessen küniglich vnd ohne Umstand zu ge-
dencken / so ist gemeldter Feldmarschalch Banner nach obge-
dachten Treffen mit einer wolgefasten Armee / bestehende in
10000. Pferden vnd 6000. zu Fuß alten geübten vnd wolver-
suchten Volcks vff die Werberschanze gangen / solche einbe-
kommen / vnd daran eine Schiffbrücken schlagen lassen / wo-
rüber sie dann hernach gerücket / sich weit genung außgebreitet /
vnd nacher Düringen / auch ferner gar vbern Wald / vnd end-
lich wieder zurück herein vor Erfurt seinen March genommen
hat / nach diesen / vnd als er solche Stadt einbekommen / hat
er sein Deslegno anhero ins Churfürstenthumb Sachsen vnd
zu förderst ins Land zu Meissen gerichtet / alsobalden vnd fast
vnerhofft / die Stadt vnd Elbpaß Torgaw einbekommen /
vnd sich dessen versichert / hernach wie denn auch zuvorhero
sich seines Progresses war genommen / wordurch das ganze
Land erslich in vnerträgliche Contribution gesetzt / viel gute
Worte den gemeinen Leuten so wol Mündlich als Schrifte-
lich gegeben / die darinnen einbekommene Städte Salva-
guar-

vaguardiret / vnnnd also den armen Leuten dardurch sehr wehe
gethan worden.

Es hetten nun zwar solche arme Leute
ihn zu förderst darfür herzlich vnd fleissig gedancket / auch al-
les wolergehen gerne gewünschet / wann er es dabey hette ver-
bleiben lasse. Aber nach dem er vff solche masse die Leute bis vff
den eussersten Grad erschöpffet / vnd vermerckt daß die Keyser-
lichen Herrn General Feldmarschalle Herrn Grassen von
Hahfeld vnd Göz vff sond wieder ihn im Anzuge / hat er aller
Orten vollends plündern vnd hernach gänzlich in die Aschen
legen vnd verbrennen lassen / massen dann solchs mit Jammer
erfahren / die Stadte Wurzen / Schmiedberg / Dieben / Kem-
berg / Belgern / Strehla / Lommitsch / Meissen / vnd andere
mehr / wie dann auch viel hundert schöner Flecken vnd Dörffer.
Was nun bey einäschierung dieser vnd dergleichẽ vor grausame
Feindschätigkeiten vnd Barbareyen vorgangen sind / ist vor
diesem zwar mit wenigen gedacht worden / anjcho aber zu viel
zu repetiren. Dergleichen grosse Tyrannen dann / hat nun
Gott im Himmel / als der einem jedweden vergilt / wie ers ver-
dienet / vngestraft nicht lassen : sondern derer vieler tausend ar-
men ganz ruinirten Leute seuffzen vnd klagen erhören wollen /
vnd ist demnach wie fürzlich folgt / ihme belohnet worden.

Als er der Gen. Bannier vnter andern im Churfürsten-
thumb Sachsen gelegenen Städten / der Stadt Leipzig be-
vorab gehässig gewesen / hat er solche alsbalden / nach verfi-
cherung des Elbpasses Torgaw / sonst in 4. ganken Wochen
hart belägert / mit Feuer vnd Schwerdt ihr scharff gedrohet /
aber doch nechst Göttlicher Hülffe daran nichts schaffen kön-
nen / sondern vnerichtet mit seinem grossen Verlust davor
wieder abziehen müssen. Inmittels hat er mit Verprovian-
tierung des Passes zu Torgaw nicht gesehret / sondern einen
vnaussprechlichen Vorrath an Getreidig vnd anderer Nüt-
terung da hinein geschafft / Vnd bey Ankunfft der Keyserli-
chen

chen Hatzfeldischen vnd Böhmischen Armeen/ sich dahin gesetzt/
sein Lager wol retrenchirt vnd allda von Monat Februario
an bis vffn 18. Julij jüngstverwichenen mit all den seinigen ver-
blieben. Ob er nun wol vermeynt gehabt/ er wolte durch die-
ses sein Posto die vnfrigen zu einer Ruin bringen/ so hat doch
solches durch fleissige Vorsichtigkeit nicht geschehen können/
vnd ob zwar das aute Land ganz verderbet gewesen/ so seynd
doch von denen Städten vnd Orten die eussersten vnd müg-
lichsten Mittel herfür gesucht/ vnd Gott Lob/ noch allzeit vn-
sere Armeen leidlich erhalten worden.

In solcher Zeit nun/ ist den Feind an seinen außgeschick-
ten Partheyen allzeit grosser Schade von den vnfrigen wieder-
fahren/ vber dieses auch täglich viel Volek von ihme ab- vnd
zu den vnsern gegangen/ daher er sich dann von Tag zu Tage
alldar sehr consumiret, vnd da er zu lezt gesehen/ daß nicht
allein der Proviand- vnd Fouragie-Mangel bey ihme vorkom-
men wolte/ sondern auch noch eine grosse Macht Keyserlich
Reichs Volek wider ihn im Anzuge were/ vmb ihn zu vmbge-
ben/ Als hat er gedachten Ort Torgaw den 18. Junij vnd das
ganze Churfürstenthumb Sachsen quittiren/ vnd sich/ wie aus
nachfolgenden zu ersehen/ reteriren müssen/ dessen Macht von
daraus noch in 11000. Mann zu Ross vnd Fuß bestanden hat.

Gott sey Danck/ der vns so noch gnädiglich erlöset hat/
der behüte vns hinfüro vor dergleichen grausamen Tyranni-
schen Feinden/ vnd helffe diesen vnd allen andern Ländern zu
einem gewündschten seligen Frieden.

Oderstrom/ vom 4. Julij.

Des Banners Abmarch von Torgaw ist man hier zum
Theil gewahr worden/ zum theil aber haben wir nachrichtlich
erfahren/ in was grosser Eyl er bey Fürstemberg vber die Oder
kommen/ vnd weil das Wasser sehr klein/ ist er also nicht allein
mit der Reuterey/ sondern auch mit Fuß Volek/ Stücken vnd

1: (iij

Paga

Vagagy durchgangen. Unter diesen Wege vnd zwischen
Torgaw vnd Fürstenberg hat er zwar von den Keyserlichen
über 500. Mann nicht Schaden erlitten/ weiln sie die Keyser-
lichen mit dero ganzen Macht / ihn nicht verfolget / sondern
alsbalden zu Cüstrin vbergangen / vnd nach dem Paß Lands-
berg (worauff er auch gezielet) getrachtet / Alleine was Deutsch-
vnd sonderlich noch gefangen Churfürstl. Sächsisch vnd an-
der Volck gewesen / solchs hat bey 10. 20. 30. 40. ja wol 100.
Mann / theils zu Ross vnd Fuß bey Tag vnd Nacht sich davon
gemacht / daher dann seine vbrige Armee sehr geschwächt vnd
kleiner worden / viel seiner Artilleri Wägen / item etlich 100.
Küst Wägen hat er zwischen der Elbe vnd Oder stehen lassen
müssen / solche aber alle zu verbrennen vnd zu zerschlagen / so
möglich / angeordnet / welches dann auch meist geschehen / vnd
den vnserigen davon wenig zum Theil worden ist. Nach deme
er nun wie gedacht bey Fürstenberg durch / hat er nochmals ge-
eilet / sein vorgestecktes Ziel / als den Ort vnd Paß Landsberg
zuerreichen / welcher Ort zwar von ihnen der Schwedischen
bishero allezeit besetzt gewesen ist. Es seynd aber die Keyser-
lichen auff einer / vnd der Banner auff der andern Seite der
Wahrte bey Landsberg fast zugleich angekommen / welches
dann also dem Banner alldar über zu gehen nicht möglich seyn
konnte / sondern war resolvirt, vnd wol zum theil aus verzweif-
lung / den Berg bey Landsberg zu occupiren, seine Stücke
darauff zu pflanzen / vnd damit nach der vnserigen Lager über
die Wahrte zu spielen / welches er auch den 29. vnd 30. Junij
vnauffhörlich vnd zwar mit schlechtem Effect gethan vnd con-
tinuirt. Die vnserigen aber dessen ungeachtet / haben inmit-
telst der Stadt Landsberg nicht allein hart zugesezt / sondern
auch eine Brücke über die Wahrte verfertigt. Nach welchen
dann / als der Banner vermerckt / daß es zeit were / hat er den
1. Julij. Abends so viel möglich Infanteri beritten gemacht /
Stück

Stück/ Munitiōn Wägen vnd Pagagē hinterlassen/ wiewol
theils verbrandt/ die Stadt Landsberg aber zu vorhero starck
gnug mit Volck/ Stücken vnd Munitiōn versehen/ vnd ist
darauff wieder zurück an die Oder gangen/ vnd bey Lebus wie
folgt/ durchkommen. Als nun die Keyserlichen solches ver-
merckt vnd gesehen/ seynd sie mit der ganzen Macht zu Ross
gleichfals geeilet vmb ihn des Orts zubesuchen/ Do dann bey
ihrer Anfunfft er der Bannier bereit meist durch vnd in engen
March bezrieffen gewesen/ worauff dann die Keyserl. Macht
gedrungen/ die Schwedische Reuterey vnd berittene Fußvolck
oder Tragoner fortzugehen getrungen/ bey welchen dann/
mancher alter Schwedischer Soldat zu Ross vnd Fuß sein Le-
ben lassen/ vnd sich gefangen geben müssen/ massen dann jetzt
einer bericht/ so gesehen/ daß vber 1200. Mann Schwedische
Infanteri/ so vnberitten verblieben/ weren gefangen bekommen/
vnd zu der Keyserlichen Infanteri Läger bey Landsberg getrie-
ben worden/ was nun noch vnterwegens/ vnd ehe er zu Bran-
geln kömpt/ ihm abgejagt werden wird/ hat man gleichfals zu
erfahren/ vnd helt männiglich darfür/ er von dannen in 5000.
Mann zu Ross vnd Fuß oder Tragoner kaum gebracht haben.

Nach diesem ist die Stadt Landsberg vffgesodert vnd ihr
zugesezet worden/ vnd ob woln der Commendant darinnen ein
Oberster Leutenant/ mit einem gutem Regiment von 7. Fähn-
lein gelegen/ vnd resolviret gewesen/ sich zu wehren/ so haben
doch die Knechte solches nicht thun: sondern weiln sie der Key-
serlichen grosse Macht der Infanterie etliche 20000. Mann
vmb die Stadt her gesehen/ accordiren wollen/ welches sie dann
auch den 2. alsobalden thun müssen/ vnd haben die Knechte da-
rinnen/ derer in 700. gewesen/ sich gutwillig vnterstellen lassen.
In der Stadt seynd bekommen worden/ 12. metallene Stück/
2. halbe Carthaunen/ 2. die er gesprengt/ vnd 2. so er ins Wasser
gesenckt/ auch an Munitiōn 40. Centner Pulver
vnd 80. Centner Luntē.

AK 2/4389

[Faint, mostly illegible text, likely bleed-through from the reverse side of the page]

[Faint handwritten mark or signature]

[Faint handwritten mark or signature]



Handwritten text in a medieval script, likely Gothic, visible on the left edge of the page. The text is partially obscured by the binding and is difficult to read.

ULB Halle 3
004 821 165


mc





L. 34, 36.

Sche
22



V c
4382

cher
medi
alcks Zo
ßgang

